



江蘇省地方志編纂委員會辦公室編

江蘇歷代方志全書

3



江蘇省地方志編纂委員會辦公室編



鳳凰出版社

江蘇歷代方志全書

3

江寧府部

ISBN 978-7-5506-2318-7



圖書在版編目（C I P）數據

江蘇歷代方志全書. 江寧府部 / 江蘇省地方志編纂
委員會辦公室編. — 南京：鳳凰出版社，2016.2
ISBN 978-7-5506-2318-7

I. ①江… II. ①江… III. ①江蘇省—地方志 IV.
①K295.3

中國版本圖書館CIP數據核字(2016)第006658號

- 書名 江蘇歷代方志全書·江寧府部
編者 江蘇省地方志編纂委員會辦公室
責任編輯 王劍 王愛榮 吳瓊
裝幀設計 姜嵩
出版發行 鳳凰出版傳媒股份有限公司
鳳凰出版社(原江蘇古籍出版社)
發行部電話 025-83223462
出版社地址 南京市中央路165號,郵編:210009
出版社網址 <http://www.fhcbs.com>
經銷 鳳凰出版傳媒股份有限公司
印刷 揚州文津閣古籍印務有限公司
揚州市開發區鴻揚路22-2號(6幢),郵編:211153
開本 889×1194毫米 1/16
印張 1151
版次 2016年2月第1版 2016年2月第1次印刷
標準書號 ISBN 978-7-5506-2318-7
定價 21600.00圓(全二十七冊)
(本書凡印裝錯誤可向承印廠調換,電話:0514-87969255)

萬曆應天府志



(明) 汪宗伊
(明) 程嗣功 修
王一化 等纂

《萬曆應天府志》三十二卷，明汪宗伊、程嗣功修，王一化等纂。

宗伊字子衡，別號少泉，明武昌府崇陽縣（今屬湖北省）人，嘉靖十七年（一五三八）進士，授浮梁知縣，累陞兵部郎中，以得罪嚴嵩去職。隆慶初起爲南京吏部郎中，萬曆初來任應天知府，旋晉南京大理寺卿，官至南京戶部尚書。著有《少泉詩集》《奏疏匯編》，纂有《南京吏部志》《南京尚寶寺志》《南京大理寺志》等。嗣功字汝懋，號午槐，明南直隸歙縣（今屬安徽）人。嘉靖二十六年進士，累官至廣東布政使，萬曆初來知應天府，後晉南京戶部右侍郎。一化，明南直隸泰興人，應天府學教授。

早在萬曆初，汪宗伊來知應天府，「以舊政告新者不若托之紀載之爲遠也」，與府學「教授王一化討論志事……使執簡而書焉」。不久，汪宗伊陞任南京大理寺卿，程嗣功來知應天府，程氏亦將志事委之王一化等人，「諸所設施視汪公不替有加焉，其推轂諸生而教之，使有成者如汪公也，故諸生得一志殫精，揚權今古，凡幾閱月而志成焉」。（殷邁《應天府志序》）

體例沿襲宋《景定建康志》、元《至正金陵新志》，紀、表、志、傳諸體並用。凡三十二卷，分立郡紀，沿革表、歷官表、封爵表、科貢表、薦舉表，詔令志、風土志、山川志、建置志、官職志、學校志、田賦志、祠祀志、雜志，宦迹傳、人物傳、助封傳、懿行傳、列女傳、雜傳二十一門。

所收資料「皆據史冊，《一統》《金陵》《南畿》、各邑等志，惟志與史謬戾者，則從史而折衷之」（卷首《凡例》）。陳光貽以爲「觀其書紀載明代典章制度，以及金陵往事，頗能與史傳相合無謬，紀述尚爲核簡」（陳光貽《稀見地方志提要》卷六）。《明會典》及《明史》諸書，明代封爵皆只載公、侯、伯三等，本志《封爵表》詳載孫炎之追封男爵，頗可補史傳之闕佚。但書中亦偶有未能盡當者，如靈谷寺等創自齊梁，舊迹見於《景定志》《丹陽記》諸書者甚詳，而是志乃遺漏不載。

此書首刻於萬曆五年。萬曆二十年，略事增補後形成增修本，增補的內容主要分佈在卷六《歷官表》、卷九《封爵



表》、卷十《科貢表》等處。其《歷官表中》，府尹題名增萬曆六年至二十年間十六人，府丞增萬曆六年至十九年間十一人等。

有明萬曆五年（一五七七）刻本，萬曆二十年增修本。本次出版，以萬曆二十年增修本爲底本影印。

（林艾甫）

第三冊目錄

萬曆應天府志·····	〇〇一
康熙江寧府志（一）·····	四五三

應天府志序

應天府

高皇帝故都在焉文獻甲於天下
而府未有專志非所以示官
方翊

皇極也仰惟

高皇帝統一寰區實始事於茲域

迨神鼎既奠兵革四出率倚

辦於邦人者為多故

登極之後蠲租

詔令靡歲不下且曰子孫百世何

忘江左之民豈獨

日月之際宜首耀於光明抑以疆
幹弱支隆上都而觀萬國也

文皇帝繼統雖移都北平而二京

竝建比於豐鎬蓋其重如此

今推擇大京兆必

天子之重臣而佐以下若屬咸簡

銅墨以充之所欲閔念元元

而建首善於天下者意甚厚

也第

京師綰四方之轂民俗龐雜而

大京兆又

天子重臣諸公卿缺或不滿歲輒

遷補之夫欲為深根固柢之

圖而以程功於朞月自非覽

觀得失之林以自考鏡焉豈

易辦哉少泉汪公歲甲戌來

尹是邦日討成法而紀綱之
其爬梳敝垢剪截浮滯者班
班舉矣顧念始之鉤攷於簿
書而咨諏於長者抑何煩
也於是慨然歎曰與其鞅掌
於臨事孰若先知豫待之為
逸而以舊政告新者不若托
之紀載之為遠也遂謀諸信
菴雷公進教授王一化討論
志事而特以其義例授諸生
陳舜仁陸察沈朝陽陳桂林
盛敏耕使執簡而書焉事未
竣公晉少司徒以去今午槐
程公阜南陸公來代諸所施

設視汪公不替有加焉其推
轂諸生而教之使有成者如
汪公也故諸生得壹志殫精
揚摧今古凡幾閱月而志成
焉昔左思賦三都淫思十載
而就凡以都邑叢委采拾為
難耳而今以數月之間勒不
刊之典良已勤矣令長人者
挾筴求之察人性以制寬猛
之常物土利以經出入之洪
審俗尚以裁豐儉之中皆歷
歷如指諸掌而諸吏於此者
今昔醇疵勸懲法誠亦徃徃
而在則是書非惟一邦之信

史而扶植化源導揚

謨訓者寔有賴焉謂有裨於治理
非歟是役也大司徒畢公督
學褚公皆嘉與而樂相之其
供億餼梓之費則前撫臺宋
公撫臺胡公臺察鄭公咸贊
給焉若節推詹君世用上元
令林君大黼則采輯見聞多
所裨益而上元丞范燧董校
刻之役亦與有勞焉因附著
之

萬曆五年丁丑仲秋吉旦

賜進士出身嘉議大夫南京禮部
右侍郎管南京國子祭酒事

江左殷邁書

【赤虎】

六二

應天府志凡例

一應天故文獻地自國朝建都來迄無專志茲事屬創始遺舛寔煩摭萃厥成以俟君子

一紀所詳沿革戰爭惟關於郡者書之灾祥不別志省煩也

一志主記事不敢僭有褒貶然正統分餘不容無辨其編年義例畧取綱目爲正

一前代郡守稽之史牘繫可表見丞令而下闕如也凡偽授及未履任削不書

一天文分野事屬微渺土產非專八邑貢獻總之太常故不志

一志以郡名凡

宮闕都城臺省苑囿皆不得書

一儒學不列建置

文廟不列祠祀重道也鄉賢名宦則置祠祀中

一宦蹟惟傳守令而下有蹟可紀者書之監司部使非郡所得尊皆不傳

一王公後裔并國朝諸賢世家應天者南畿志

入流寓非是茲盡入人物中但非隸籍八邑故別爲卷

一今昔名賢非可槩論別爲勲封一行傳

一一行列女雖并傳外郡人然惟守土臣及名節顯著者餘不敢濫及

一志中所載皆據史并一統金陵南畿各邑等志惟志與史謬戾者則從史而折衷之

卷一

郡紀上

卷二

郡紀中

卷三

郡紀下

卷四

貢表

目錄

歷官表上

卷六

歷官表中

卷七

歷官表下

卷八

封爵表上

卷九

封爵表下

卷十

科貢表上

卷十一

科貢表下

卷十二

薦舉表

卷十三

詔令志

目錄

卷十四

風土志

卷十五

山川志

卷十六

建置志

卷十七

官職志

卷十八



學校志

卷十九

田賦志

卷二十

祠祀志

卷二十一

雜志上

卷二十二

雜志中

目錄

卷二十三

雜志下

卷二十四

宦蹟傳一

卷二十五

宦蹟傳二

卷二十六

人物傳一

卷二十七

人物傳二

卷二十八

人物傳三

卷二十九

勲封傳

卷三十

一行傳

卷三十一

列女傳

目錄

卷三十二

雜傳

應天府志目終

郡紀上

地緣制定政以代殊維是神州允關

帝室繇今邇昔治忽可稽舉要艾繁鑒觀有賴作郡

紀

唐帝堯八十載舜既受禪命禹治水成功因定九州

其五曰淮海惟揚州沿于江海達于淮泗今應天

所隸介江南北地當屬揚越一載肇十有二州揚

仍故

郡紀上 卷一

虞帝舜三十三載禹受命復九州地仍屬揚

至禹八歲王巡狩江南金陵南畿志俱援禹登茅

山無據

商王湯十八祀續禹舊服為九州州方千里揚居其

一

周武王元年更定九州東南曰揚其川三江其浸五

湖金陵志引地理志水經荊州記云中江逕溧陽

其縣志已辨之虞翻常昭周處鄺道元皆謂洮湖

為五湖之一雖與史記註不同大都近今府境

孝王十三年大雹江凍

靈王十三年秋楚子昭為庸浦之役遣公子貞師于

棠邑以伐吳吳不出而還貞殿以吳為不能而弗

傲吳人自臯舟之隘要而擊之楚人不能相救吳

敗之獲其公子宜穀棠邑之置已久至是始見春

秋傳即今之六合也

景王五年楚子子圍陷固城吳移濬渚于陵平山下

名曰陵平始吳築固城為濬渚邑京城圖考謂固

城當深水溧陽之問乾道志在溧水西南九十里

郡紀上 卷一

圖經亦屬之溧水野志今宣城地萬曆志在高淳

言人人殊邇其時寔在溧陽蓋溧水高淳皆自溧

陽而分故其言不同丁漣即溧也戰國策亦有漣

湖即此餘詳溧水固城下

十六年楚子棄疾遣蘇迺為將敗吳軍取陵平更名

平陵迺野志作逸高淳志作代今從金陵志

二十三年三月棠邑大夫伍尚死其父奢之難弟員

以專諸歸吳員後破楚燒固城

敬王二十四年吳子夫差始通江淮史記丹陽吳地

非特有棠邑也

元王三年越滅吳得其故地以棠邑與楚

四年越築城於長千里名長干城應天有城自此始

安王二十六年越世子諸咎弑其君翳葬大橫山下

山今屬句容

顯王三十七年楚子商既滅越始置金陵邑于石頭

秦始皇帝二十六年改金陵為秣陵縣以平陵置溧

陽縣俱屬鄣郡

伍員行至溧陽中即此以在溧水

之北得各越絕始皇度牛渚奏東安東安今丹陽

郡紀

卷一

三

陽與地考以為漢縣誤矣

更棠邑為棠邑縣屬

九江郡

二十七年冬帝東巡浮江下過丹陽臨浙江還過吳

從江乘渡遂置江乘縣統於鄣

按括地志丹陽在

江寧縣東南地里志丹陽秦屬鄣郡則縣始於秦

非漢置也綱目實指丹陽即今隸鎮江者蓋未

考秦為雲陽曲阿耳江乘縣史記正義并括地志

俱云在句容北通鑑註在建業東北而圖考辨其

在西北蓋本南徐州記建康志但攷諸地理始皇

還過吳遂並海上則正義括地足徵况臨沂自江

乘分豈容在西北哉圖考又以徐盛疑城自石頭

至江乘為據然盛本傳云綿亘數百里夫自石頭

至幕府山固無數百里也父老謂竹里路昔時路

行山間遠攝山之北由江乘羅落以達建康是江

乘在東北無疑用望氣者之言鑿鍾阜斷長隴以

泄王氣後人因名曰秦淮

一世皇帝二年春楚人項梁以八千人渡江而西陳

嬰英布等以兵屬之衆遂六七萬

郡紀

卷一

四

元年二月項籍立英布為九江王統棠邑并王鄣

郡

漢太祖高皇帝三年十二月九江王布以其地歸漢

五年十二月遣韓信等追楚王籍及之至東城乃有

二十八騎籍引騎依四潰山為陣斬漢一將一都

尉人數十百於是籍欲東渡烏江亭長艤舫待籍

不從乃以所乘騅馬賜亭長殺漢軍數百身亦被

十餘創自刎而死楚地悉定

四潰烏江俱在今江

浦境

六年十二月封陳嬰為棠邑侯 元鼎元年國除正月

以淮東五十三縣封從兄將軍賈為荊王至十一

年賈為英布所殺

十二年十月更以荊為吳國立兄子濞為王統縣如故

孝惠皇帝五年夏大旱江水少

高皇后呂氏三年夏江水溢

夏江溢

景皇帝三年春吳王濞反以周亞夫為太尉將兵

郡紀 卷一

五

高之大破其軍濞亡走丹陽越人誅濞徙汝南王

非王吳地改號江都

賈太后不許續吳後非年十五嘗請擊吳故立之

孝武皇帝建元二年七月東甌請舉國內徙遂徙其

衆於江淮間

元光六年析秣陵地封宗室黨為句容侯 元朔元年

國除

元朔元年析江都國地封王子敢為丹陽侯 元狩元

年國除 胥行為湖熟侯 元鼎五年國除 纏為秣陵

侯 元鼎四年國除上元志表沿革謂元狩二年分

秣陵置湖熟丹陽元狩在元朔後吳為表之於前

元狩二年江都王建自殺國除地屬廣陵郡

六年四月以廣陵郡封子胥為王冊文曰大江之南

五湖之間人心輕揚揚州保疆三代要服不及以政

鄣郡地屬 以陵

元鼎元年改棠邑縣為堂邑屬臨淮郡置鐵官 臨淮

置於元符六年棠邑侯國除於是年故縣嘉定永

樂志不同但漢書地理志最核而後之史註類書

郡紀

卷一

六

八新母援入東郡何武夫是地自漢以來或為郡

或為縣皆沿堂邑之名時隸東郡者尚名發干清

與平樂也隋始置堂邑於彼而定六合於此故讀

山東通志而歷觀諸史則隋以上堂邑皆今之六

合隋以下堂邑皆今之堂邑而六合不與焉不可

以不辨

元封元年十月東越殺王餘善以降徙其民江淮間

二年廢鄣郡置丹陽郡設揚州刺史統之領縣十七

江乘秣陵句容丹陽湖熟溧陽與焉又析溧陽南

境置永平尋廢按金陵志辨丹陽縣在江寧當塗之間據聞微見其說的矣惟丹陽郡治所景定志之辨雖詳而猶有未盡金陵志云丹陽郡漢置治宛陵後漢因之資治通鑑洪适註亦曰西漢丹陽郡治宛陵綱目質實亦然則今之寧國府也上元志云丹陽郡即鄣郡治則今之長興縣也景定云郡治常在建業宮城記云丹陽郡城在長樂橋東一里則今之聚寶門東城角之內外是也圖考據之遂列于此以今考之宛陵移於東漢鄣郡廢爲

故鄣二說固爲未實若移治建業則斷始自孫吳觀張紘玄德孔明告大帝之語亦可窺見使原爲治所三公豈不及之惟寧國志直云丹陽郡治始

熟差爲有據蓋武帝因縣以立郡若堂邑縣堂邑郡之類故太平人物志悉載丹陽郡人蓋謂此也若官苑記所云亦自孫吳移治之後晉太康中所築郡城言之而豈武帝初置之治所哉其餘則景定志辨之已明又溧陽志建武元年改永平爲永安漢書地理志無永平當以廢爲是

孝成皇帝綏和元年五月罷刺史置揚州牧新齊天秋莽改秣陵曰宣亭江乘曰相武以堂邑隸鳳元年淮平郡金陵志謂改丹陽爲宣亭郡者非

世祖光武皇帝建武三年七月遣傳俊徇江東揚州平

六年移丹陽郡治宛陵統十六城以李忠爲太守溧陽秣陵句容江乘丹陽隸焉湖熟爲侯國按金陵志云後漢分揚州置吳郡治建業夫吳郡既治建業則秣陵諸縣宜容遠屬丹陽歷考史傳吳郡之

改堂邑屬廣陵郡

孝明皇帝永平十二年堂邑旱

孝安皇帝延光二年七月丹陽山崩四十七所

孝順皇帝永和六年丹陽賊周生等起兵攻沒郡縣

孝冲皇帝永嘉元年正月廣陵賊張嬰據郡反攻殺堂邑長十一月中郎將滕撫討嬰誅之

孝桓皇帝建和元年揚州饑遣府掾分行賑給

孝靈皇帝建寧二年九月丹陽越賊圍太守陳寅寅擊破之